

沈乃文 主編

明別集叢刊 第三輯

第九十三冊

黃山書社



国家出版基金项目
NATIONAL PUBLISHING FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第九十三冊

黃山書社



(明)劉一相撰

頃陽子啓劄七卷

明萬曆三十七年刻本

刻啓劄敘

啓劄小技取具亦足非如表
與牋之闕鉅也美是傷而絢
之繁且錙之音節按之急弛
先疎採句好則淺矣博人悅
則勞矣弋名燥則干星構之

啓劄敘

刻心竟于齒木智者弗爾惟
余蓋習茲解弱良劄所需如
難構也知構已庸以疎也苦
疎致縟苦庸致繁勤已乃縟
聖之於此其至精而素取薄乎
云爾余振名者二十年終似

有鏡鑒之類不若用是蒙一

二見賞之擇之給于耳目夫

剪彩非真花也鄴中望貴已

也啓劄如是便多耳邪目邪

吾聞之解牛亦進于技承憫

乃凝于神支牖烏匪雅技烏

啓劄敘

二

匪神卷烏匪是余茲刻亦擊

道之瓦礫眠人也勞與早涉

曷知為萬曆己酉三月壬辰

渭南劉一相惟衡甫題于憲

署之敞雲樓

頃陽子啓劄目錄

卷之一

除拜類

上朱金庭座師

上孫立亭太宰

上蕭仰岱大司馬

賀督府霖寰李公考績加右都御史

公賀延綏涂撫臺陞副都御史

賀張誠字開府楚中

啓劄目錄

卷之一

賀牛春宇開府南贛

迎于念東撫臺

迎崔振峯侍御

迎楊寒質侍御

迎茶臺穆侍御

簡李光素侍御

賀程居左方伯擢大京兆

賀盛菊泉方伯

賀李龍峯年丈

賀李瞻字秩滿加方伯

賀周敬松廉訪

賀王敬字廉訪

賀李祥字廉訪

賀張助所廉訪

賀馬岐岡叅知

賀王弘岳叅知

簡陳蘇嶺叅知

簡劉顯齋叅知

啓劄目錄

卷之一

賀李槐墅叅知

賀鄭養冲叅知

賀熊眉愚叅知

簡秦湛若叅知

賀顧悅菴觀察三載考績

賀汪和字觀察

賀邢澤宇觀察

簡陳葵菴觀察

簡李介石觀察

簡段青岩督學

簡袁鶴野觀察

賀常誠所少叅

賀高東溟世丈開府浙中

迎汪靜峯右伯

上督府冲吾顧公

賀邢崑田起南大司馬

代上許少微大中丞

賀黃鍾梅撫臺拜南大司馬

啓劄口錄

卷之一

賀林學博登第

賀劉特倩學博登第

頃陽子啓劄卷之一

除拜類

上朱金庭座師

側聞考績遂荷恩綸官階進官保之崇榮登一品
世賞列中書之貴切近三垣蓋魚水君臣喜起流
通於殿陛而鹽梅舟楫交脩媲美于阿衡當尼父
矩心渾化之時適周公橋梓並輝之日木從繩而
歸正非大人疇能格君鼎有實而慎之故黃耳急
需用鉉爲念逍遙樓上挾來悉萬里陽春還從會

啓劄

卷之一

稽山頭布出是九州禹績有謝太傅鎮浮之雅量
卽捷奏淝水而不驚如王沂公之當國雍容能調
和宮闈而胥豫誰曉嘉謀之入告我知采菲之無
遺威鳳食琅玕舉四海欣聆風采應龍作雷雨盡
八荒盡發精神况是鯁生夙叨鼓鑄伏衡茆而遙
瞻氣色慶雲繞北闕霏微遡桃李之舊列門牆化
育倚東風駘蕩敢申尺牘仰溷台墀縱谿毛無當
於王公在岩穴亦存夫明信可勝傾企伏勾鑒涵

上孫立亭太宰

東山超起海隅佇奏昇平北斗昭回宸極式增煜
燭會元老安車而就道向文昌曳履以傳聲道可
大行世真有造恭惟某官三朝弼亮九鼎均調承
天意以覺民獨抱內溝之耻法聖人之用世詎同
荷蕢之流屬簡帝心起從冢宰以向來之其難其
慎待今日之惟一惟和通魚水于君臣精神契合
假風雲于龍虎氣度昂驤是將拔宜用未用之鴻
才相與樹當爲未爲之駿業蒲輪已下枚卜方殷
覽煙景於韶華趁東風好因勸駕踐沙堤于新築

啓劄

卷之一

十

望北闕亟赴朝天某馬渤安庸藥籠宿貯感溫公
之起洛慶元祐之得人曉日流鶯喜作上林之轉
清秋逸鶴時聞霄漢之音敢布一片祇申寸悃詞
亦援夫臚餽敬有蓄于幣先伏句鑒涵可勝厚
幸

上蕭仰岱大司馬

魯用仲尼攝相事司寇維官漢留鄧侯守關中餉
兵乃職豈如元老由秋部而夏卿頓令朝端喜彈
冠而結綬恭惟某官器涵渤澥望起岱宗智畧傑

方平宗社爰需鎮撫威名如張詠機宜正賴剿裁
歲大旱直作之霖天未陰能徹彼土天下安危注
意庭中謀斷兼須帷幄秘籌子房決勝乎千里廟
堂英畧匈奴款塞于五原爰擢莞樞漸鄰秘閣寵
榮烜赫象懸北斗之前聲價巍哉威讐荒服之外
大類中國相司馬可知異謀寢淮南腰橫之玉如
虹通輝玄極肘後之章似斗纔鑄黃金更恢子姓
之簪纓永匹山河之帶礪某曩從鳩署曾獲豹窺
陳力無能止戒府辜于獄貨惟明克允風欽邁德

啓劄

卷之一

三

于民懷今也進司馬而統六師遂則竝中書而稱
兩府喉舌之尊如昨華夷之柄維新敢布荒牋聊
摠下臆想元龍湖海之氣茹納不遺仰姬公衆繡
之華碩膚未艾

賀督府霖寰李公考績加右都御史

司馬專征事業竝峨岷之峻中臺執法班聯視喉
舌之尊助勦方効於西維恩命儼臨乎北極偶聆
朝報頓起歡騰恭惟某官卓識絕倫遠猷經世作
天民之先覺道足要湯爲歲旱之甘霖象求惟說

文章華國蓋嘗振鐸於嵩洛海岱之間武畧匡時
亦既建牙於玄菟樂浪之境至今得人爲盛由來
樹績獨多屬虞帝考績而陟明睠武侯鞠躬而盡
瘁遂由卿貳爰進中丞糾虔而仕路肅清人推獨
座撻伐而妖氛淨掃民罔同春玉壘祥光動干旄
而獻彩錦江秀色映犀豸以交輝豈非陣演六花
傳衛公之衣鉢從此勛開百葉跨張氏之貂蟬大
夫賦采芑而佐中興明主許分茅而廣世澤某慚
爲馭吏喜觀衮衣揭雲漢以爲章共瞻綸綍勒鼎
啓劄

卷之一

四

爨而著績不數公孤穆如清風願上仲山之誦好
是懿德載賡吉甫之詩

公賀延綏涂撫臺陞副都御史

重地莫如榆塞人亘長城英名宿振栢臺邦須爲
憲卓犖秋防之勩昭回夏省之章秩晉崇階寵膺
特簡恭惟某官西江淵德北極魁罡學以聖人爲
宗業以名世自任曾持白簡彤庭六月生寒邇接
黃龍幕府三邊執契語今要害急在延綏多戰士
而地不毛尚首功而兵有制徐未得疾未得匠心

洞因應之機損有時益有時神理適盈虛之數丰
稜則崆峒使節倚長劍于天端飛動則星宿浮槎
窮支機於河渚俱道軍中韓范更優塞上金湯固
壁壘于太山靜有常撼之莫可收人心于流水動
不括投之咸宜鐵騎欲盪龍城烏號竝穿虎石借
飭稱萬全之義旅當機奏百勝之奇勛覈之而實
副鴻名不枉建牙吹角策之而功應懋賞行將開
國承家且進一班還驚三錫丈夫樹功荒裔史用
特書明主注意邊臣寵皆異數某等班聯文武技
啓劄

卷之一

五

慙劍書美盖世之謀猷望隆霄漢期格天之事業
名著鼎鐘拓自秦中欣從宇下肆有溪毛之展抱
吝惟是戔戔祇同葵藿之傾由衷式存耿耿慮惟
燭照無那旌搖

賀張誠宇開府楚中

蓋楚甸莽曠山川最雄諸夏惟吉甫併包文武足
憲萬邦彼其衆產荆揚而多心矧其時苦徵求而
到骨亟需填撫式藉龍靈恭惟某官居德淳龐含
貞洞朗山來不設城府生平獨飭廉隅乃若花縣

流春東漸維而西被洊洊夫掖垣直夕左補闕而
右拾遺肅清耳目之班凝定股肱之選同朝甚喜
當宁委心頃緣楚服爲江漢上游又念興都乃湯
沐重地將臥赤子于衽席之上端賴仁賢遂擢白
眉于儔伍之中爰資真麗若巨室之獲大木真歲
旱而作甘霖出治道于同民投所宜而蠲所苦繼
心思以仁政下因澤而上因陵豈惟不負官家亦
且堪酬海宇某也竊附彈冠之侶式歌伐木之詩
服不如新好慶衮衣之載錫人惟求舊能忘菅蒯
啓劄

卷之一

六

之相將布在一片懷存萬縷受之惟是心至望之
方在儼然

賀牛春字開府南頓

恭惟某官性湛靈珠槩雄底柱乘驄輦路行且止
以章威屈軼朝端佞之入而卽指法伸三尺風動
四方信是邁種之英能俾從欲以治蓋柱史提揆
憲紀亭亭揭英稜于秋霜而士師職掌平反藹藹
動哀矜于春日是爲輔世長民之德雅稱經文緯
武之才頃拜中丞儼臨南頓幅幘襟裾四省大費

經綸變夷錯雜五溪式資彈壓控上流而敷化執
大象以宅尊用黜競練庶事何難底績政崇簡易
百年可卜昇平正不但躋公孤以爲榮方且將共
禹稷而媲美某編氓自夙仙里居今得由涇渭之
區喜見衣冠之盛敢申不腆用展下私望清蔭于
三槐匏繫無由登畫閣瞻紫氛于北斗瑤光端自
麗層霄仰竚鑒函俯從茹納

迎于念東撫臺

通材夙優經濟吉甫以文武憲邦名賢茂拓勲庸
啓劄

卷之一

七

中立寔安危繫望惟當宁念勤乎西土忽簡書祇
奉于北辰遭際殊榮具瞻喁望恭惟某官湛湛濟
水巖巖泰山非求田問舍之人乃憂國奉公之選
當其處則海岱生輝及其升而邦家增重喬松之
挺幹千尺不挫風霜禹鼎之作鎮萬鈞侑光日月
熙帝載有車之用思皇士爲國之楨塞淵而駉牝
三千賦估閑于魯頌扶搖而鯤鵬九萬託逍遙于
莊遊被命秦雍爰清陸海介邊陲而作鎮撫夷夏
以爲宗經緯相宣式王度如金如玉競練罔用順

帝則不識不知凡此下民行納諸富壽安逸之域
蠢伊小醜將收之範圍鼓鑄之中正不煩磨楯墨
而作檄文會須見鑄景鐘而紀功德可是長風巨
浪匪徒人貌榮名某宿厠里人今憚夏屋視桑梓
而恭敬敢軼糾虔奉鞭弭以周旋倍增愷懌佇八
鸞之肅肅歌四牡之駢駢東首傾神爲候真人之
氣西征作賦方欽大雅之風

迎崔振峯侍御

臺閣風清曼出漢廷之右簡書霜凜仰俟蜀馭之

啓劄

卷之一

八

前是將遏亂畧以佑王家寧止警官邪而張國紀
威行攬轡澤望隨車恭惟某官植節高嚴維風正
直取明珠於領下何憚批鱗作鳴鳳於朝陽肯同
仗馬分三苗而有北寔重譯之指南獨立推雄重
瞳特簡屬巴渝之多事佇繡斧之英稜肅寮則激
濁揚清疇不祗若御下則風行草偃焉用殺爲固
知入目妍娘鑑常空而莫遁還想藏形魑魅此方
鑄而不逢行瞻銅柱之高標載聽凱歌之燕喜方
來玉節清光遙麗於秋江快覩金根眞氣蚤分乎

允澤某瀘陽從事劄北識荆是何傲有二天端自
攝夫三尺敢馳下吏敬迓前茅株守方兢未釋鳴
張之醜星言夙駕式騰雀躍之歡所幸台端無遺
葑體

迎楊寒質侍御

秦地河山竚三台之照拂漢廷耳目奉六察以澄
清是將宣威福以敕封疆暨爾輟論思而提綱紀
鳳書天下驄馬星馳恭惟某官德直而溫材弘且
毅生唐虞夏后之國作文武吉甫之臣藻榜蜚英

啓劄

卷之一

九

蚤見五雲璀璨花封製錦直教兩地輝煌政成遂
上徵車論定爰登柱史儷乾坤之謇謇凜山嶽之
動搖會西土罹魚肉於貂璫賴觀風而問俗睠北
辰閔蕭條於陸海須激濁以揚清丰峻埋輪貪殘
解綬志雄攬轡惟悴來蘇一時寮案彈冠萬里關
河生色敢修故事奉迓前旌竚儀鳳于岐山和鳴
國家之盛想登龍于元禮胥欽風裁之隆

迎茶臺穆侍御

茶馬重寄華夷大防威靈仰佇澄清法紀難容假

借內之欲繩私敗全賴綱維外之欲藉強兵式資
騏驥惟是憲臺閱歷提揆而律度斯張卽今都旆
飛揚瞻注而神情兢爽共欽約束有要有倫大拓
經綸不茹不吐商旣莫容壟斷番亦難售狡謀王
節風馳便天馬西來之會袞衣日麗正秦關東望
之辰某巡察代庖觀刑拭目謹遙馳乎一騎悅瞻
挹于三台

簡李光素侍御

老公祖學探煙海誼薄雲天頃駐節于長蘆曾匪

啓劄

卷之一

十

頒于敝里感均爨鼎報乏涓埃忽聞飛度干旄未
及瞻承台斗西流紫氣晶光遙憶乘驄東曳青陽
瑞靄先分露冕敢申不腆聊布下私倘蒙麾頓之
榮稍足勤嫺之思

賀程居左方伯擢大京兆

旬宣茂勩聲華交盡於東西京兆崇階地步更懸
乎南北特膺簡在宜賀登崇恭惟某官命世鴻材
黑朝耆碩奮庸三紀進不驟而位日尊綱紀四方
勞弗施而譽自起比居方岳已長諸侯顧齊藩之

職業易修而益州之經營獨苦歲事則焦心貢品
豈惟慮蜀道之艱難軍興則蒿目脫巾何異拯已
身之饑溺乃籌畫若倒囊而出卽投之醜髀游刃
恢恢且整暇如揮塵而談縱雜以兵戈折衝易易
用是蜚聲帝闕從而擢尹神京廣漢之接下和顏
于今趾美張敞之繩奸盡法方號得人旣生輦轂
之春又是公孤之地廟堂生色夷夏騰歡某舊列
編民邇叨寮案喜正人之嚮用基世道之平康敢
佈一片寧云八簋歌盈庭之振鷺共羨于飛佇司

啓劄

卷之一

十一

鼎以和羹爰立作相所希鑒納可任光輝

賀盛翁泉方伯

春風漾錦水韶華動薇省之光明月照峨眉瑞色
發槐階之秀屬茲初政莫禦均歡矧當年猥附於
彈冠會今日又從而接羽恭惟某官葱蘢寶樹閃
爍龍淵粉署題名共羨才賢清切朔方著績曾歌
儼狁于襄才非囿乎方隅任奮武揆文柄隨投而
輒效中罔設乎城府耻操術用數人亦何所不容
久歷亨衢爰登膺仕益州天府坤維奠而方岳獨

尊諸葛人龍漢鼎扶而西南底定豈惟中丞建節
直須指顧之間行見上宰調元再覩清寧之烈某
卑卑無當耿耿有褻喜干旄已莅華陽恨鞅掌方
羈播事魚書可贈越在荒塚鳳彩遙瞻宛如霄漢
倘泰山不讓土壤彌見巍哉信谿毛可薦王公祇
存明信那堪震懼倍有縣馳

賀李龍峯年丈

駐節金微勞勩埒平羌俊偉策勲御陞詔班躋行
省尊崇信人臣遭際之殊為朋輩交遊之慶恭惟

啓劄

卷之一

主

某官冀方豪傑聖世鼎彞敷歷中外者有年建豎
邊陲者不少西戎北虜折衝樽俎悠然馬飽士閒
貯腹甲兵凜若翊中興于六月奏上績于三邊天
聽雖高偏鑒勳勲之烈軍功為最頓加登等之榮
詔拜紫薇名位視中書之貴寵先生畫戟須臾晉
開府之勲階一時胥動彈冠九列行看曳履同袍
增色絕域揚芬敢從喜起之真聊展豫鳴之賀所
羞不腆尚覲有容

賀李瞻宇秩滿加方伯

三年茂勳控邊鄙而山定不搖四嶽崇階邁尋常
而班聯頓迴式表金湯之績榮生夷夏之觀適是
彈冠能無動色恭惟某官才雄三輔品軼萬人能
大受不可小知以文事而兼武備當其持籌司計
已收方畧于胷中迨夫握憲論兵遂制機宜于掌
上命諸天子城彼朔方出車歌南仲之彭彭撻虜
翊周宣之赫赫賀蘭峻揭英丰當萬里長城花馬
泓濤曠度寔三軍司命謀成戒懼義重簡書程威
武則先聲震疊于氍裘閱功勳則積伐崢嶸于歲
月用勤簡在罔靳隆施卽從節鎮之區便拜行省
之貴建牙開府拭目非遙勒鼎銘鐘傾心而注某
分藩僻壤欽望高山會茲景命之辰用發同心之
慶片言抒悃文不至而情深東帛旌私賁安庸而
陋甚惟以協恭之誼鑒茲燕喜之忱仰荷揮存可
勝鳴豫

賀周敬松廉訪

錦江玉壘十五年再覩威儀西楚東齊三千里遽
成霖霖誰哉締構莫已歡騰恭惟某官嶽立方城

啓劄

卷之一

主

淵渟漢水宛生民之先覺為士類之羽儀早射策
於楓宸珪璋妙譽繼含香於粉署黼黻鴻猷才裕
為邦則守韶迄三年去思更深來暮望隆治蜀則
持憲將六稔吏畏倍切民懷惟是野鶴閒雲難為
羈束輒欲長林豐草任作逍遙顧樂寄東山雅繫
蒼生之望而歲逢大旱怎消霖雨之思聖明之寤
寐維殷巖穴之弓旌遂逮固知鄧林荆璞取重明
堂應是魚鳧蠶叢再蒙大厦揆文奮武經綸而禹
甸肅清赤舄衮衣士女胥周公是慶矧如薄劣厚

啓劄

卷之一

十四

賀王敬宇廉訪

明三千而勅法雅賴糾虔總百二以司繩亟需端
亮宿深簡在遂荷登崇恭惟某官耆舊三朝忱恂
九德于生民為先覺有不獲若內溝中作吾道之
主盟縱未賢恐置度外信是黃鐘大呂還稱美玉

精金久棲遲平水之陽正自考槃而樂繼分臬泰
關之重共推折獄惟良課吏則六計為嚴弼教則
五刑克允大著平明之譽以推廉訪之尊驟下黃
麻俾綜王憲衆之弗若干訓何難操三尺以振朝
常政之罔協于中便可清庶僚以佐上理喜而不
寐冠為以彈佇看開府建牙還視趨朝曳履祇申
下悃爰有薄將偶爾續貂知不嫌于瑣尾仰希朗
鑒庸見納乎么膺

賀李祥宇廉訪

啓劄

卷之一

十五

嘉師監在于祥刑善人為寶從欲治期于風動邁
德是咨睠惟西土之遐亟藉上台之映慶從鼓舞
辭發懽忻恭惟某官至性好生真心報國視八埏
即為一體火必熱水必寒奉三尺直抵萬鈞式如
金式如玉薊北之英聲駿播漢南之淑問旁流謂
是西方聖人又云魯國儒者曾代匱而綜錢穀似
雪霜之凜厲而神淵愈瑩迺清齋而誦如來鵲陽
春之溫和而情怡自盎商霖素望已徵禱雨之虔
漢法從寬都紵入關之蚤喜一時之新命慨萬姓

之積褻念觀察百二之維艱亦曰人有九德握刑
罰三千之最鉅須夫計用六廉以之論囚可信能
澄渭水資乃課吏雅知頓肅周官蓋歡聲已滿秦
郊况宿習有如齊士昔也翁叅知而我叅少已洽
藩宣今也我由舊而翁由新式瞻憲紀日仰三槐
之覆露還看五桂之芬芳惟法駕其邁臨庶歲星
其流照將之不腆願以母麾

賀張助所廉訪

倚劍崆峒北斗還均煜燿建牙涪水三巴早見澄

啓劄

卷之一

十六

清爰動色於彈冠寔委心乎傾蓋恭惟某官人歌
孝友緒啓貂蟬蜚總角之英聲共瞻嵩洛負垂紳
之正氣推重公卿職以溷而愈明才以粹而立辦
蓋嘗再司錢穀兵商舉服其廉平亦既歷試邊庭
夷夏竝啣其威惠頃緣用武特借持籌假觀察以
治軍儲令則秋霜烈日作藩宣而提憲紀仁斯草
偃風行想從進履圮橋定是受書黃石燭會情如
觀火詎待揣摩抒奇策若探囊那窺端委行見鯨
鯢就戮更看江漢朝宗揭鐘鼎之令名豎保衡之

駿業某同寅誼切接壤情殷頃承聲教之餘未底
涓埃之悃木桃可贈託永好於深情葑菲斯將或
不遺乎下體得蒙鑒納無任愜愉

賀馬岐岡叅知

擁松州而樹屏甘棠縈去後之思控巴子以開藩
竹馬慰來蘇之望重逢何幸共事為榮恭惟某官
龍德正中嶽神生甫霜清栢府肅白簡以生風地
近螭頭翊重瞳而正色邦之司直能使大臣法小
臣廉國有典刑庶幾一至魯再至道長陽叱馭非

啓劄

卷之一

十七

是遺親幽谷生春元從吹律門三過而不入共稱
大禹之勤官歷久而不遷何害更生之節然而向
之積薪罔嘆時至卽行今之求舊有由功收非晚
驥程千里蠅猥附以生輝玉價連城葭謬依而著
彩豈其秦楚始命同袍敢曰蕭朱亦曾結綬喜叅
知階隆三品稱行省之中書羨順慶民有二天望
建牙而開府感之鳴豫雅欲申虔久緣羈紲於戎
行遂爾因循於賀悃文則踈而情密應鑒區區室
是遠而思存亦知眷眷

賀王弘岳叅知

梁鄒繞長白之墟雅稱梓里瀘水接凌雲之派均是川南景星入望以呈祥卿月分輝而載賞恭惟某官器凝大呂度豁滄溟擢上第而向楓宸與衍天人妙策擢大行而渙汗號蜚揚華夏駿聲旋拜掖垣屢勤奏牘自是九苞彩鳳應曉日以叫閭闔寧如一葉寒蟬戀秋風而縻沆瀣嗣有分藩之命再登執法之司閱歷中州者數年績在治河而治旅迴翔四品者再考用躋之翰以之屏文武足憲

啓劄

卷之一

七

萬邦人歌吉甫宅俊宜登三事班右周官坐見底海隅於安瀾還喜勳名於鑄鼎某旣同粉社又附夕郎薄劣而提控一陬台躔載矚艱難而拮据庶務餽覆攸虞幸叨寮案之餘大作生平之快感逢嘉會頓發歡情薦束帛以傾誠竟存可吝仰衮衣之在鑒曷任縣馳

簡陳蘇嶺叅知

秦塞遙連莫急玉關之鎖鑰楚材遠馭卽恬青海之波濤鄧林奇挺干霄郢客希聲飛雪慙慙屬望

寮案欣瞻恭惟某官物表冲融理中清遠鼎千鈞

而卓樹舟萬斛而竝包意氣則崆峒之長劍倚天負荷則蓬島之神鰲跨海方城漢水歸响喻動靜之間竹箭南金寄標格精神之表蓋上士居冲而抱一藏用之用常玄至人息踵以怡真無爲之爲甚適南陽司牧接召杜之芳規洛下專城宛龔黃之懿烈玉節導汝墳雅化橐籥周南金徽疏江漢仁風儀刑西伯荷重瞳之特簡控西極以開藩謂近說必致遠來知經文可兼緯武制馭那煩表餌

啓劄

卷之一

七

要執伐謀先聲詎在鼓鼙機操全勝則壯猶方叔何難儼稅之襄而思治周宣弘藉采薇之績詩由此再歌天保人從此共喜河清某東土豎儒雍州從事仁聲義問交遊習耳於周知來衣繡裳光範竚躬乎晉接詎但徼識荆之厚幸還將發御李之深懼猘尺漫裁台躔希照

簡劉顯齋叅知

蘇彈迅發于睢彊威行有赫文昌密連乎上輔照暨無涯寮案具曰羽儀黎元需爲命脉瞻茲關內